

四庫全書

子部

欽定四庫全書

子部

玉海卷三十三

詳校官給事中_臣查善長

主事_臣祁韻士覆勘

總校官進士_臣朱鈐

校對官中書_臣徐秉敬

騰錄監生_臣范相

欽定四庫全書

玉海卷三十三

宋 王應麟 撰

聖文

御書

伏羲龍書 神農穗書 少昊鸞鳳書 堯龜

書

章續字源云包犧氏獲景龍之瑞始作龍書炎帝神農

氏因上黨嘉禾八穗乃作穗書用頌時令黃帝因卿雲見作雲書堯因靈龜負圖作龜書少昊作金天鸞鳳書

高陽氏製科斗書

亦見墨數書斷

夏禹螺書

禹碑綠字

文粹崔融碑曰於鏐大禹顯允天德龍畫旁分螺書徧刻韓愈詩岫嶽山尖神禹碑科斗拳身薤葉披鸞飄鳳泊拏虎螭劉禹錫詩嘗聞祝融峰上有神禹銘

晉志禹受綠字

墨數夏后氏作鐘鼎書

又書斷

書注

神龜負文列于背禹第之成九類 淳化法帖有禹書

真誥三皇之世演八會之文為龍鳳之章雲篆之跡
文房四譜黃帝得玉一紐治為墨海上篆文曰帝鴻
氏之硯 衡山記甘泉東有石壁禹所刻文在此

漢高祖手勅

隋志總集梁有漢高祖手詔一卷 七 古文苑漢高祖

手勅太子 韓王信傳上賜信書責之

漢武帝賜淮南書

見詔策

漢寶跗

見器物類 墨數鶴頭偃波書詔板所用漢尺一之簡
是也蚊脚書上詔板也

漢光武賜方國手迹

循吏傳以手迹賜方國者皆一札十行細書成文勤約
之風行于上下 隗囂傳帝報以手書 公孫述傳帝
與述書又下詔諭述曰詔書手記不可數得

唐真草書屏風

會要貞觀十四年四月二十二日太宗自為真草書屏
風以示羣臣筆力道勁為一時之絕初募求人間書凡
真行二百九十紙裝為七十卷草二千紙裝為八十卷
每聽政之暇則臨看之嘗謂朝臣曰書學小道初非急
務時或留心猶勝棄日凡諸藝業未有學而不得者也
病在心力懈怠不能專精耳今吾臨古人書殊不學其
形勢惟在求其骨法及得骨力而形勢自生耳吾之所

為皆先作意是以果能成也

又見張懷瓘叙書法

王羲之傳制曰

烟霏露結狀若斷而還連鳳翥龍蟠勢如斜而反直心慕手追此人而已

唐太宗飛白詔

權德輿記曰太宗文皇帝飛白書十二句五十五字者貞觀十六年答左散騎常侍劉洎之詔也縹緲鴻翥之勢輕濃蟬翼之狀子敬白而不飛子雲飛而不自稽合眾美裁成絕藝書圃之逸品也 通鑑貞觀十八年四

月泊上書上飛白答之曰今聞讜言虛懷以改 梁武
謂蕭子雲曰蔡邕飛而不白羲之白而不飛 顏師

古聖德頌礫砢新勢奮發奇鋒 李嗣真曰飛白猶

烟空焰灼霧殺卷舒 鮑照飛白書勢銘超工八法

盡奇六文鳥企龍躍珠解泉分珪角星芒明麗爛逸絲

繁髮垂平理端密君子品之是最神筆 唐李約飛白

贊曰蕭子雲始變蔡張二王飛白古法又作小篆飛白

惟建業古壁餘此蕭字 崔備有子雲張王繼作子雲精

飛白蕭字記

極翻飛露白乍輕乍濃浮雲委地游霧縈空煙霧交霏
蚪鸞飛動 李嶠賀見御書表 究黃軒鳥迹之巧殫紫
府結空之勢偃波垂露會寶意而成新半兔全曦象天形
而得妙 蘇軾作文同飛白贊曰霏霏若輕雲之蔽月
翻翻若長風之卷旆猗猗若游絲之縈裏裏若流水之
舞 天聖四年錢惟演為飛白書序錄一卷 劉邵飛
白書勢

唐貞觀飛白書 飛白扇

會要太宗攻義之書尤善飛白

帝工隸書又好飛白于王銜之間別更立意精

妙絕

貞觀十八年二月十七日辛酉召三品以上賜宴

于玄武門太宗操筆作飛白書羣臣乘酒就太宗手中相競散騎常侍劉洎登牀引手然後得之其不得者咸稱洎登牀罪當死請付法太宗笑曰昔聞娘好辭輦今見常侍登牀是年五月五日太宗為飛白書作鸞鳳蝶龍等字筆勢驚絕謂司徒長孫無忌吏部尚書楊師道曰五日舊俗必用服翫相賀今朕各賜君飛白扇二庶

動清風以增美德 劉洎上書曰紆寶思于天文則長
河韜映攜玉筆于仙札則流霞成采固已錙銖萬代冠
冕百王 岑文本述飛白書勢詩有飛臺拂素鳳舉鸞
驚之句 端拱元年出古墨跡藏秘閣有唐太宗玄宗
墨迹

唐太宗賜馬周飛白書

馬周為中書侍郎貞觀十八年

表八月
丁卯

遷中書令太宗

以飛白書賜之曰鸞鳳冲霄必假羽翼股肱之寄要在

忠力 太宗常體目羣臣各有其詞

唐太宗筆法

文房四譜唐太宗筆法云攻書之時當收視聽絕慮怡
神心正氣和則契于玄妙 墨數貞觀六年正月八日
整理御府書鍾王等真跡得一千五百一十卷

唐李靖家藏高祖太宗詔書

太宗
手墨

李靖傳五代孫彥芳太和中為鳳翔司錄參軍家故藏
高祖太宗賜靖詔書數函上之一曰兵事節度皆付公

吾不從中治也一日有晝夜視公疾大老嫗遣來吾欲
熟知公起居狀皆太宗手墨他大略如此文宗愛之不

廢手

其舊物有佩筆以木為管刻金其上別為環以限其間筆尚可用也靖破蕭銑所賜于閔玉帶十三

勝七方八利各附環以金固之所以佩者又有火鑑火觸算囊等物常佩于帶者天子悉留禁中 詔本

還賜彥芳并束帛衣服物權德輿嘗讀太宗手詔至流
涕曰君臣之際乃爾耶 韋端符記曰文帝賜書二十

通多言征討事 太宗製魏徵碑文并御筆書石

唐龍朔與遼東諸將書

會要龍朔二年四月上自為書與遼東諸將謂許敬宗
曰許圜師嘗自愛書可於朝堂開示圜師見而驚喜私
謂朝官曰圜師見古跡多矣魏晉以後惟稱二王然逸
少少力而妍子敬妍而少力今觀聖跡兼絕二王鳳翥
鸞迴實古今書聖

圜師傳曰高宗自書詔賜遼東諸將

唐高宗賜侍臣飛白書 贊

戴至德傳為宰相咸亨中

實錄咸亨五年八月戊寅朔

高宗為飛白

書賜侍臣賜同東西臺三品戴至德曰汎洪源俟舟楫

同東西臺三品郝處俊曰飛九霄假六翮同中書門下

三品李敬玄曰資啓沃罄丹誠中書侍郎崔知悌曰竭

忠節贊皇猷皆見意于辭

又書隱士田游巖宅榜其門

崔知悌傳

與戴至德郝處俊李敬玄等同賜飛白書贊而知悌敬

玄以忠勤見表

議者以戴郝寬厚而李崔忠勤故帝以此言褒美

冠六文而

首出掩八體而孤騫眇乎若游霧之拂春林靄乎似輕

雲之上秋漢

李嶠謝飛白

飛白始於蔡邕待詔鴻都撰聖

皇篇見役人至帚因成字邕之後有張敬禮備盡其妙

王僧虔曰是八分之輕者

創法於八分
窮微乎小篆

唐御書集賢院額

王維集有謝表云陛下發求書之使置寫書之官九流
百家章編緗裘爛然虎觀盛彼鴻都自運銀鈎俯題金

榜龍騰金榜鳳轉銀鈎
河漢昭回煙雲飛動

張說謝御書大通禪師碑額

狀云畫起平雲點蹲芒玉戈矛攢倚鸞鶴交飛 台州

桐栢觀碑玄宗御書額

天寶元年三月為司馬錄師立
栢觀其碑崔尚文韓擇木八

分書王屋山陽臺觀

司馬子
微所居

開元中御書額

傳云上
自題額

集

賢注記開元二十六年十二月御書開元觀寺額

令集賢揭

以賜諸州

天寶元年五月加天寶寺上改題

姚崇碑玄宗

御書

張說銘云洒思仙翰鏤澤豐珉帝令頻軫仙臺特紆鐫金刻石鳳篆龍圖又握乾符頌曰文舍玉

律字吐銀鈎

明皇雜錄拾遺蔡孚進龍池篇其詞甚美上

為八分書賜岐王王因製龍池曲以其篇為樂章 崔

澄傳玄宗以謹密字親書笏端 王君奭傳詔張說刻

文墓碑帝自書以寵之 一行傳上為一行製碑文親

書於石 司馬子微傳玄宗為親製碑文 玄宗題張

說父碑額曰積善

謝表曰孔某吳札之墳鳳書旌墓

御書盧懷慎碑

題韓思復碑曰有唐忠孝韓長山

大相國寺先天

中御書題榜

孝經序寫之琬琰庶有補於將來

五

色牋八分書學士贊

御書刺史詩三傑詩

並見上

手

寫六條

見六典

開元以降御題碑榜標桐栢以尊道揭

麗正以崇儒

顏真卿請肅宗題放生池碑額

德宗

貞元四年八月御書章敬寺額

順宗善隸書

穆宗

問柳公權筆法對曰心正則筆正帝悟其以筆諫 宣

宗御筆題崔氏德星堂

僖宗光啓元年書孫氏書樓

帝中第一

王僧虔對
齊高帝

五色絲綸九霄雨露

符載

舞

鳳回翔於懷袖飛龍顧盼於縑緗

元稹謝
御札

唐明皇書道德經

祥符三年十月己巳王貽慶獻明皇所書道德經

九域志亳州有道德經碑明皇書

開元間書

六大字賜醴陵縣登真宮太宗時取閱而還之又

賜御書飛白字

張說謝示金字八分道經曰天

毫發彩 太平興國三年正月丁酉潭州輦送唐

玄宗所書道林寺王喬觀二碑 揚子曰聖人肆

筆而成書 漢元帝善史書應劭注史籀大篆

宋高祖縱筆為大字一字徑尺一紙不過六七字

章帝好杜度草書因名章草 章帝賜韓稜寶

劍自手書其名 後漢姜肱傳注引謝承書靈帝手筆

下詔 魏楊阜傳天子感其忠言手筆詔荅 梁武帝

評書從漢末至梁有三十四人

建隆御札

三年二月二十三日內出御札曰渴聽讜言庶臻治道
令朝臣以次轉對 太祖御書大宋一統賜王溥

乾德親郊御札

元年八月一日

庚辰朔

內出御札以十一月十六日

甲子有

事南郊 開寶五年八月李符為京西轉運書李符到
彼似朕親行賜之揭于大旗符條奏便宜百餘其四十
八事施行著于令 紹興十六年四月十四日修武郎

張燕上太祖御書一卷賜帛 洪适進太祖御筆六卷

親征澤潞有賜孝明皇后御札

天禧四年二月光祿丞沈惟溫故相

倫之孫獻太祖與倫御書十六日賜進士出身 宣和

四年三月五日幸祕省上親出建隆真跡詩帖數幅於
是羣臣始識藝祖書又出太宗真仁宗翰墨至神考書
孟子章句上曰此藩邸所作也

雍熙草書

雍熙二年出御草書謂宋琪曰朕聽政之外未嘗晝寢

讀書寫字自得其趣正書之外草書飛白尤愛臨學雖
非帝王事業但遊畋聲樂性所不好宮中釋悶惟書籍
筆札而已琪曰陛下躬親庶務固前代所未有又讀書
染翰無有棄日信聖心務學之至也嘗夜召書學葛湍
問徐鉉草書如何湍曰鉉留心籀篆不聞草聖上曰鉉
嘗見朕書否湍曰臣僚非詔賜無由得觀上喜於軸中
出御草書二紙曰一以賜汝一以賜鉉太宗實錄興國中
王著習羲獻草隸擢為侍書趙壹曰草書之興其於

近古乎 書斷曰草書之先因於起草杜伯度章帝所
好作章草書

雍熙賜近臣詩 草書扇

雍熙二年五月癸亥賜近臣御製五言詩草書扇各一
又草書李白廬山瀑布詩共二十幅分賜之 摘藻尺
素之上弄翰團扇之中

雍熙賜宰臣飛白書

雍熙三年十月丙申朔上出飛白書一軸賜宰臣李昉

等曰朕退朝之暇未嘗虛度光陰觀書之外嘗留意於
真草近又學飛白書此雖非帝王事業然不猶愈於遊
畋聲樂乎昉等頓首謝

雍熙書六韜兵法 平戎陣圖

雍熙四年五月以北方未服召北面諸將田重進潘美
崔翰及殿前劉延翰對於便殿上訪以禦戎備邊之策
延翰曰臣等皆鷹犬之才奉指蹤之命猶懼不給破虜
之策惟聖心裁處上因手書六韜兵法將有五才十過

之說以賜之庚寅又內出平戎陣圖指畫卷舒進退號
令出沒以賜

端拱書急就章 賦

魏丕以黃州刺史來朝召對便坐太宗賜以御書急就
章朱邸集 端拱二年七月丙戌以御書急就章藏於
祕閣急就章者漢黃門令史游之所作也帝留心字學
先是下詔求前賢墨跡有以鍾繇書急就章為獻字多
踳駁上親草書一本藏於祕閣仍刻石分賜近臣 太宗實錄

起居舍人宋惟幹獻御草書急就章賦太宗命以一
軸賜之

淳化秘閣御書 十二部御書

淳化元年七月內降御草書詩十首故實二紙又出御
製四十一卷藏於秘閣 太宗嘗書於龍鳳花牋上及
紈扇上以賜王公近臣嘗出飛白書四字占四幅廣袤
數尺先以一幅賜宰臣呂端俄而樞密趙鎔相繼進帝
曰昔聞劉洎登牀信有之矣上筆法英異學無不成親

製真定王

趙普

碑并御八分書篆額多士稱為三絕題相

國寺及上清宮額筆力精密曉書法者皆歆服有趙州

隆平簿王著

唐相方慶之後

善行草書興國七年六月甲戌以

為翰林侍書

始置御書院示著曰未盡善也

嘗遣中使王仁睿持御札上臨學益勤又示著著

荅如初久之復示之著曰功至矣非臣所能及仁睿問其故著曰帝王始學書或驟稱善則不復留心矣祥符元年二月戊戌真宗語其事以為善規益

又選趙

闕

七人待詔翰林故有

三體書

八分草行

故事六十三卷兩韻詩十卷草書急就章

二卷千字文二卷孝經一卷賞花釣魚詩一卷雜草書

五十三卷飛白六十九卷八分千文二卷行書秘閣贄
三卷五體書四體書各一卷合二百九卷為十二部藏
秘閣

淳化書紅綾扇 飛白書

淳化元年四月辛亥上親草書飛白書紅綾扇賜宰相
樞密使翰林學士尚書丞郎兩省給舍以上各一三年
五月丁酉上親草書紅綾扇賜宰相李昉等各一五年
五月戊寅賜近臣御飛白書各一軸庚辰初伏上親書

紅綾扇賜近臣各一

一本云三年三月甲午朔文德殿百官入朝上親書綾扇賜近臣李

等

王元之謝賜御書紅綾扇上草書趙嘏絕句詩表

曰絳綃半幅霞舒舞鵲之紋宸翰三行雲遶回鸞之勢
宮中刀尺翦雲霧於赤城筆下風雷走龍蛇於碧落堪
笑二王非墨妙筆精之作如逢伯禹得金簡玉字之書

太宗又嘗草書紈扇作古詩賜諸將王昭遠等言多
比諷又賜何承矩御書前後凡五十餘軸又面付手札
寵之又嘗賜戴興以玉篇唐韻御飛白書三十卷 張

洎謝賜八分表曰念次仲之遺範采元帝之名家古文
變體之後唯此書并大小篆與時偕行况仙臺揮洒體
備剛柔犀利譬長劍之倚天壯觀類洪河之紀地潤澤
如春雲之出岫明媚若曉漢之橫空 祥符元年二月
戊戌王欽若曰近日四方之人工習筆札由太宗精書
翰所致五代有朝體書絕無楷法今則盡學鍾王歐柳
之蹟矣上曰太宗筆法復出今古

淳化新校御書 聖翰讚

淳化二年閏二月戊寅秘書監李至進新校御書三百八十卷上從容謂之曰人之嗜好不可不謹人君當淡然無欲勿使嗜好形見於外則奸佞無自入焉朕他無所欲但喜讀書多見古今成敗善者從之不善者改之至拜舞稱賀 四年閏十月二十四日右諫議大夫張昉獻聖翰讚及以行草篆書寫御製詩詔除史館脩撰 淳化賜飛白玉堂書 三體書 賜詩 四體

書

淳化二年十月辛巳翰林承旨蘇易簡獻續翰林志二卷詔藏於史館仍賜御書二章以寵之批紙尾云意美卿居清華之地也又飛白玉堂之署四字以賜易簡因謂宰相曰易簡告朕求此數字可名至中書授之他日

為翰林中美事因賜李昉等草書各一幅

作真草行三體凡五十一

字十一月戊午易簡上言願以上所賜詩刻石上為真

草行三體書各一本命待詔吳文賞模勒刻石以賜易簡仍以百本分賜近臣十二月己卯易簡受詔以上三

體書石本遺秘書監李至等三館學士凡二十五人皆

上表稱賀

范杲獻
玉堂記

辛卯易簡於本院會學士韓丕畢士

安李至楊徽之梁周翰柴成務呂佐之錢若水王旦潘

慎修王著呂文仲等觀御飛白玉堂之署四字并三體

書詩石上聞之賜上尊酒大官設盛饌至等各賦詩以

紀其事宰臣李昉等亦有詩易簡編次以聞上謂李昉

曰易簡以卿等詩來上斯足以見儒墨之貴學士之榮

也別錄一本進入因以詩賜易簡其字以素繒書之徑

二尺餘觀之曲盡神妙明道二年八月辛亥詔學士院以四字刻石景祐元年五月甲申學士院上石本賜待詔以下器幣至紹聖初翰林承旨建言因命掇取玉堂二字揭之上牌日錫燕近臣識者謂不當以前代殿名皇朝寶札揭之於臣下止息之地 紹興中御書玉堂

二字賜周麟之

見後

徽宗御書摛文堂 書目天聖四

年錢惟演為飛白書叙錄一卷首錄太宗御書帝王名

臣飛白以次編記

又有禁林宴會集一卷

淳化草書飛白賜近臣

淳化二年草書飛白簇賜近臣上謂之曰夫欲學書當須澄神靜慮具在筆端方臻其要飛白近少習者朕因得一古飛白障子做而書之盡用筆之法古人書札之妙上聖之人有能窮其理是知筆札至難

淳化飛白秘閣

淳化三年五月甲寅詔增脩秘閣八月壬戌秘閣成帝作贊賜之秘書監李至上表引顏真卿題放生池碑額

近翰林學承旨蘇易簡乞御飛白玉堂之署為比乞御書新額以光秘府翌日戊辰詔中書樞密院近臣觀新閣又賜上尊酒太官供膳是日遣中使齎御飛白書秘閣二字以賜李至李昉等相率稱謝退就宴三館學士預焉又賜御詩以美其事李至上表請以御製刻石詔贊并序朕為親書并篆額以旌秘府 淳熙九年知福州汝愚得飛白秘閣字碑本於州治止戈堂知寧國府陳駸得御製書贊序碑本於昭亭山上之秘府 如鳳

之舞如龍之從如月蔽雲如旌卷風纖而不晦穠而不
豐奇古迭出變通不窮

淳化秘閣碑陰書孝經

淳化三年十月癸亥以御書千字文遣中使李懷節付
秘閣李至請於御製秘閣贊碑陰摹石上曰千字文蓋
梁武得鍾繇書破碑千餘字俾周興嗣次韻而成非垂
世立教之言孝經百行之本朕當躬書勒之碑陰仍賜
至以詔書諭旨 龜飾厥趺龍踞其顏孔言曾行炳丹

青而燦星日

淳化帝王名臣法帖

四年四月先是求先賢墨跡擇其善者為歷代帝王名臣法帖十卷命工勒石丙戌賜近臣詳見小學帝王法帖

始於漢章帝晉武帝書

淳化八分書千字文

淳化四年四月丙戌內出御八分書千字文賜宰臣李昉以下各一卷三年九月己未上草書千字文賜近

臣各一本

淳化書大言賦

淳化四年八月丙辰朔上草書宗玉大言賦賜翰林承

旨蘇易簡

易簡名近
列同觀

因擬宗玉作大言賦以獻其詞曰

皇帝書自龍牋作大言賦賜玉堂臣易簡御筆煌煌聖
詞洋洋瓌瑋特達不可備詳因伏而奏曰恨宗玉不與
陛下同時帝曰噫何代無人焉卿為朕言之易簡因為
大言賦曰聖人興兮告成功登崑崙兮展升中上覽賦

嘉賞詔褒之

又草書勸酒戒酒二詩賜之

淳化書印紙

淳化五年五月庚午

十九日

上臨軒親選郭玘等四人並

為常參官仍給印紙令滿秩日自賞於御前較其課最

戊寅上自書一幅曰公務刑政惠愛臨民奉法除奸方

可書為勞績又別書二十餘幅賜大理正尹玘等人一

通皆京朝官之選也名知審官院錢若水曰奉法除姦

之語恐不曉者因而生事可語之曰除奸之要在乎奉

法時被選者二十餘人而知榮州李虛已首預獻詩陳所以感遇之意八月庚寅帝批其紙尾曰虛已學古入官榮親事主奉書為郡知恩奉上欲布新規朕已得良二千石矣乃賜五品服命儒臣閱所批詔兼賜五十萬錢後下袞通判宣州廉幹聞亦預焉 四年七月飛白

書向敏中張詠姓名付宰相曰此名臣也已酉並命為

密學

御筆題殿柱曰
真鹽鐵陳恕

雍熙四年三月庚辰詔知州通

判給御前印紙

又見
考課

查道通判遂州出御書歷俾錄

其課給以實奉凌策通判定州賜御書厯

淳化賜近臣飛白書

至道

淳化五年五月戊寅賜近臣飛白書各二軸十一月丙辰賜近臣御飛白書各一軸別賜參政寇準飛白草書十八軸先是宰相呂蒙正等皆已得賜準出使在外至是始及馬上因謂呂蒙正曰書札者六藝之一也固非帝王之事朕蓋聽政之暇聊以自娛耳至道二年五月丙午上飛白書數幅以示近臣字皆廣袤盈尺先賜宰

相呂端一幅侍臣因競前爭取上曰劉洎登牀正如此
矣六月甲戌上遣使賫飛白書二十軸賜端等人五軸
又以四十軸藏於秘閣字皆方圓數尺端等詣便殿稱謝
上謂之曰飛白依小草書體與隸書不同朕君臨天下
復何事於筆硯乎中心好之不能輕棄歲月既久遂盡
其法焉實錄 暇日召翰林善書數十輩對便殿課習鍾
王雜體

淳化秘閣草書

淳化五年六月己酉命內供奉官盧敏正賁御草書五
軸藏祕閣詔史館脩撰張佖與三館祕閣學士觀焉

至道書上清宮額

至道元年正月丙辰新作上清宮成御書額以金填其
字賜之車駕臨幸謂近臣曰造此祠宇為民祈福二年
五月壬寅相國寺三門成上親書額金填字賜之

至道草書經史故事

至道元年六月戊戌上草書經史故事三十紙詔翰林

侍讀呂文仲一一讀之因刻石以數百本并祕閣官吏姓名付內侍裴愈令於江東名山福地道宮佛廟各藏三五本或高逸不仕純樸有行好古博雅為州里所稱者分以賜之

會

先是六月乙酉遣裴愈往江南求圖籍

淳化五年十

一月丁卯令史館檢討前代宰相舉官故事上因書孫叔敖故事為一幅以賜呂蒙正蒙正等退而各舉所知祥符二年十月癸巳對輔臣崇政殿出太宗御書故事皆有監戒

太宗御書曲禮

見箴類

咸平龍圖閣太宗御書目錄

見觀書

至道三年六月乙未真宗詔以先帝御書墨跡賜天下
名山勝境九月戊寅賜曲阜文宣王廟十一月癸未詔
所藏太宗御書委官吏檢校

景德龍圖閣太宗御書 咸平龍圖閣觀太宗

草行飛白書

見觀書類

景德校勘新寫御書

元年三月丁酉直祕閣黃夷簡等上校勘新寫御書凡二萬四千一百六十二卷賜錢帛有差校勘官劉筠等六人授校理先是詔流內銓取選人內及第無過者以名聞命陳恕楊億試之凡七人於崇文院校勘太官供膳踰年乃畢而有是命當入校書類

景德大清樓觀太宗聖製御書

天禧附

四年三月乙巳

七日

召輔臣對於苑中水閣臨池垂釣又

登太清樓命內臣啓局鑰觀太宗聖製御書及新寫四

部羣書上親執目錄令黃門舉其書示之總太宗聖製

詩及故事墨迹三百七十五卷文章九十二卷經庫二

千九百十五卷史庫七千二百四十五卷子庫八千五

百七十一卷集庫五千三百六十一卷四部書共二萬

五千百九十二卷

長編太清樓藏太宗御製及墨迹石本九百三十四卷軸四部羣書二萬

三千七百二十五卷與此不同其後羣書增及一萬一千二百九十三卷太宗御集御書又七百五十三卷

祥符太宗御札

祥符三年四月己酉內出太宗御札二十六卷示輔臣
皆上在宮邸時所賜令錄付修國史院六月己亥內出
太宗賜呂端上官正手詔付修國史院

祥符內出太宗御書御製

二年十月癸巳內出太宗聖製歌詩御書故事皆有鑒
戒對輔臣崇政殿西廡示王旦等曰此先帝朱才人所
藏近者上進十一月甲寅遣使以太宗御製御書各六

十二卷賜輔臣人一本皆未嘗盼於外者後數日又出
太宗鏤文紅管筆三年十二月以太宗御書一百軸賜
交州李公蘊從其請也

祥符太宗鏤文紅管筆

祥符二年十一月丁巳內出太宗鏤文紅管供御筆十
二管分賜王旦以下人一雙因謂王旦等曰先帝聽政
之暇常以觀書及攻筆法為意每見諸家字體精妙無
不學者學之必成旦等曰先帝筆法英異非人臣所及

如侍書王著有名於時然望先帝甚遠上曰著於侍書待詔中善規益亦無其比朕頃在東宮侍先帝嘗見學鍾繇書或至夜分或自夙興手不釋筆

會要

祥符國子監御書閣

五年九月辛巳國子監請建閣奉藏太宗御書從之明年五月辛丑閣有赤光上燭六月巳巳閣上梁命近臣臨觀帝作七言詩賜之又賜二帝御集御書摹本詔王曾記之 會要祥符七年三月文武百官表請赴國子

監觀太宗御製御書及聖製御書刻石從之先是帝以
太宗御製御書并帝所製祥瑞論勤政論俗吏辨為君
難為臣不易論崇儒術論五篇藏于國子監監之官屬
乞建閣以安之又輔臣言乞以聖製刻石于閣下至是
始成因求觀 長編七年四月己巳羣臣詣國子監觀
太宗御書及新刻御製辯論遂宴本監 寶軸星繁翠珉
玉立 羲爻文繇世異重熙舜典禹謨事殊繼志

祥符太宗御書法帖 賜筆

五年十一月丙辰內出新編太宗皇帝御集及御書法帖凡十五部總三百三十六卷示輔臣上曰太宗學由天縱屬思援翰必極精妙王旦曰以文章化人成俗由太宗始也五代以來筆札無體鍾王之法幾絕太宗留意翰墨斷行片簡傳之於外則爭求之自是學者書體丕變聖教之至也上曰太宗所用筆亦與人間不同顧向敏中丁謂曰卿等未嘗見咸再拜陳乞翌日命賜之人一雙太宗御草孝經一卷刻石秘閣法帖十二卷

小字法帖一卷古詩一卷倣鍾繇書一卷草書筆法一卷草書故事急就千文等為卷軸三十一八分書故事

千文為卷二飛白書為軸者七四體書五體書大字各

一卷

已上刻石
御書院

墨蹟雜書四千八百九十四卷冊御製

四千十六卷冊古詩故事墨蹟一千六百七十一卷雜

書扇百三十六刻石雜書八百十八卷御製七百九十

三卷古詩故事刻石雜書四百五十二軸

分藏於龍圖閣
太清樓祕

閣御書院刻石雜書三百四十七卷七百五十三軸

賜名山寺觀中

外臣僚并充
州文宣王廟

祥符先猷殿太宗皇帝御書 天禧天章閣御

書

祥符八年四月丁卯詔玉清昭應宮奉安太宗御製御

書殿名先猷其御製御書殿名繼文

即迎禧
迎祥殿

天禧二

年正月壬寅具鈞容清衛樂奉安太宗文集于先猷殿
翌日奉御集安于繼文殿五年三月名輔臣觀御書于
龍圖閣四月以御書石本為九十編藏天章閣

祥符景靈宮御書

七年七月二十八日輔臣請御書真遊殿額從之 九

年四月丁丑御書景靈宮天興殿保寧閣己亥有司奉

御書兗州景靈宮太極觀額上作七言詩 紫殿琳庭

琅函綠蘊

玉海卷三十三

欽定四庫全書

子部

玉海卷三十四

詳校官給事中臣查善長

主事臣祁韻士覆勘

總校官進士臣朱 鈐

校對官中書臣徐秉敬

謄錄監生臣范 栩

欽定四庫全書

玉海卷三十四

宋 王應麟 撰

聖文

御書

三朝寶字

胡宿代中書密院謝賜三朝寶字訓鑒圖表神毫英發
繪事昭陳裁決繁機奮耀英斷書鳳紙之尾摘犀管之

英墨寶相輝神鋒迥拔居然鸞鵲之翥蔚有龍虎之威
留聖思於勒成命侍臣而類次形於方版之鏤參諸設
色之明序以宸章置之禁坐

乾興飛白書 天聖賜飛白書

乾興元年三月丙子賜輔臣御飛白書各一軸初上未
嘗為飛白書一日見飛白筆遂取試書其體勢道勁有
如夙習因以分賜焉十二月甲辰親書唐賢詩分賜天
聖元年九月戊寅召輔臣於崇政殿西廡觀馮元講論

語仍賜御飛白書三年四月己未賜輔臣御飛白書人

十軸仍刻石賜近臣四年五月庚辰以端午賜輔臣御

飛白書羅扇各二

中書
樞密

五年三月辛酉賜輔臣御飛白

書九年閏十月戊辰

二十四日

知兗州孫奭辭曲宴大清樓

召晁迥與會賜飛白書人一軸迥與呂夷簡張耆及奭

別賜大字四軸 晏殊謝表曰乾文綺絜睿筆鸞迴文

皇鳳字近愧於流芳炎帝穗書遠慙於逸品宜登冊府

永冠書林

天禧中仁宗在東宮賜張士遜十二字曰寅亮天地弼

予一人又曰日新其德

蘇軾為頌二篇

又以忠孝字賜士遜

天聖書古詩 乾興書唐賢詩

見講禮記 見講論語

天聖賜中書樞密飛白扇 皇祐賜飛白筆法

字

見乾興飛白書 皇祐三年十月丁丑飛白書筆法二

字賜講讀官各一軸時趙師民歸青州命就賜之皇祐

以後每歲重午節必賜飛白書扇 夏竦觀飛白有輕
素飄吹長烟疊空及戲蝶騰虹之句帝宸翰道逸筆勢
有法飛白尤為妙筆

天聖賜進士中庸

天聖五年四月辛卯賜進士王堯臣等聞喜宴于瓊林
苑中使賜御詩又人賜御書中庸篇各一軸自後遂以
為常初上欲賜中庸先命中書錄本既上乃令宰臣張
知白進讀至修身治人之道必使反復陳之上傾聽終

篇始罷是歲進士三百七十七人 景祐元年四月乙

卯賜新第張唐卿詩及中庸

詩云寒儒逢景
運報德合如何

慶曆二

年四月己亥又賜楊寔 皇祐元年四月戊子賜馮京

御詩及中庸五年四月壬辰賜鄭獬 嘉祐二年四月

乙亥賜章衡四年四月戊子賜劉輝

天聖織成飛白字圖 飛白崇真殿榜 篆碑

額

五年九月癸卯召輔臣至崇政殿西廡觀孫奭等講書

賜織成御飛白字圖已酉召輔臣觀御飛白書慈孝寺
崇真殿榜於承明殿崇真殿者真宗神御殿也十一月
戊戌上親篆慈孝寺碑額夏竦撰文宋綬書 慶曆五
年十二月庚申以寶相佛閣為慈尊閣御飛白書榜賜
之

天聖賜進士大學篇

天聖八年四月丙戌賜進士王拱辰宴于瓊林苑遣中
使賜御詩及大學篇各一軸自後登第者必賜儒行或

中庸大學篇 寶元元年四月甲午賜新第人聞喜宴
于瓊林苑賜御詩及大學 慶曆六年四月丁丑賜賈
黯等 嘉祐六年四月丁丑賜新進士王俊民等同上

天聖龍圖閣天章閣觀三聖御書 賜飛白

八年八月丁亥召近臣宗室龍圖天章閣觀三聖御書
又詔觀瑞穀於元真殿命從臣賦詩賜御飛白書字各
一軸遂宴藥珠殿壬辰幸瑞聖園觀刈穀燕從臣

天聖太清樓賜近臣飛白

又見上

九年閏十月二十四日戊辰宴近臣于太清樓

迎陽門內後苑

有太清樓貯四庫書與玉宸殿相望

饒翰林學士孫奭知兗州又名太子

少保致仕晁迥初奭侍講迥英至前世成敗之際未嘗不反覆諷規每至見仁宗必優禮之三請致仕召對承

明殿慰諭奭以年老固請泣下上亦惻然詔與馮元講

老子三章各賜帛二百疋以不得請求近郡拜工部尚

書知兗州

七月癸酉

詔頒宴而行又留之數月乃特宴太清

樓近臣及太子少保晁迥預上作飛白書大字以賜二

府而小字賜諸學士獨奩與迥兼賜大小字羣臣即席賦詩又別出禁中珍器寵賁之翌日奩入謝又命講老

子賜襲衣金帶鞍馬及行

十一月
癸未

賜宴瑞聖園上既賜

詩又詔近臣皆賦詩送之

至和中書待詔李唐卿撰

飛白三百點以進自謂窮盡物象上乃特為清淨二字

賜之其六點尤奇絕

皇祐二年雲臺觀道士元亨進

歌詩三篇帝屬以詩又飛白清淨字賜之 劉子儀建

閣藏所賜書上為飛白書曰真宗聖文祕奉之閣

景祐篆律準

見律類

御書慶基殿

景祐二年二月戊寅御書奉先院宣祖神御殿榜為慶基殿 仁皇下議樂之詔以考鐘石之和置寫書之官以綴經墳之學

寶元紫微閣御篆

寶元元年七月庚戌作舍人院閣上親篆其榜曰紫微閣以賜之 夏竦詩曰右省層楹建西清寶宇宣神明遠藻畫法象出奎躔 元祐中劉攽請復建紫微閣于

西 慶元五年御書

寶元賜輔臣飛白書

二年十一月二日己丑遣內侍就輔臣第賜御飛白書
各一軸次日輔臣張士遜等入謝奏曰陛下萬幾之煩
翰墨不倦神筆奇奧曠古未有上曰朕聽政之暇無所
用心以此自娛耳

康定賜翰林飛白書

康定二年六月二十八日以飛白文詞字賜翰林侍讀

李淑出守許州為飛白寶章記摹石州解 至和元
年九月王洙為學士仁宗嘗以塗金龍水牋為飛白詞
林二字賜之

慶厯寶奎殿御書 摹太宗御書

大相國寺額太宗御書也

至道元年五月重修大相國寺廣殿庭門廊樓閣凡四百

五十五區
御題額

慶厯元年八月甲申上謂輔臣曰近初一小

殿禁中而有司過為侈麗不欲毀其成功今大相國寺
方營殿藏太宗親書寺額可遷置之呂夷簡因言陛下

孝以奉先儉以率下聖人之盛德也二年正月辛未詔

以大相國寺新修太宗御書殿為寶奎殿募太宗御書

寺額于石上飛白題之命宰臣呂夷簡撰記章得象篆

額樞密使晏殊撰御飛白書記

翔翬結宇液金填畫騰虬龍於螭首潤雲霧於

翠珉二月庚寅又以鍼灸圖石壁堂為仁濟殿 前是咸

平六月甲辰車駕幸五年名後閣曰資聖

慶歷通英閣御書 荅通英聖問

四年三月己卯上御通英閣出御書十三軸凡三十五

事一曰遵祖宗之訓二曰奉真考之業三曰念祖宗艱
難四曰思祖宗愛民五曰守信義六曰不巧詐七曰親
碩學八曰精六藝九曰謹言語十曰敬耆老十一曰崇
靜退十二曰求忠正十三曰懼貴驕十四曰保勇將十
五曰尚儒術十六曰議釋老十七曰重良臣十八曰廣
視聽十九曰功無迹二十曰戒喜怒二十一曰明巧媚
二十二曰杜希旨二十三曰從民欲二十四曰謹滿盈
二十五曰傷暴露二十六曰愛鰥寡二十七曰訪屠釣

二十八曰講遠圖二十九曰絕朋比三十曰斥諂佞三十一曰察小忠三十二曰監迎合三十三曰約已為民三十四曰損躬撫軍三十五曰求善使過又出危竿論一篇述居高謹危之意顧侍臣丁度等曰朕取臣僚上書及進對事目有可施於政治者書以分賜卿等度暨侍講曾公亮楊安國王洙等既拜賜因請注釋其義上許之丙戌丁度等上荅邇英聖問一卷即所注釋三十五事也

志儒家 丁度傳 有邇英聖覽十卷

其序曰伏奉宣示御書十三

軸仰窺聖旨皆陛下上念祖宗下思政治述安危成敗忠邪善惡之事詢謀下臣使進裨補敢不竭愚竊思自古求治之主靡不欲興理道安邦國納忠直退奸邪廣聰明成功業然行此數者在明與威斷耳明則不惑威則善柄斷則能行總是三者守而勿失非聖人孰能為之臣等嘗讀唐書見憲宗英悟留心庶政宰臣陳說政事必反覆詰問既盡其理則曰凡事言之則易行之則難卿等既為朕言則當行之勿空陳而已李絳對曰非

知之艱行之惟艱天下之人從陛下之所行不從陛下
之所言惟願每言則必行之憲宗深所嘉納今臣等親
承聖諭敷明治要亦願陛下日與輔臣舉此事目推而
行之毋使唐之君臣專美前代也上覽之終篇指其中
體大者六事付中書樞密令奉行之 景祐二年正月
癸丑置邇英延義二閣 元祐六年三月一日 庚申朔 御
邇英閣呂大防奏曰仁宗所書三十六事禁中有否上
曰有大防請圖寫置坐隅以備親覽從之大防又言危

竿論一事在三十五事之前 仁宗進用大臣欲更天下之治數開延閣以訪先務又降神翰以督施為

慶歷崇政殿賜飛白書

仁宗御崇政殿策賢良方正太常博士錢彥遠等 實

錄慶歷六年八月癸亥策試賢良并試武舉賜宰臣賈

昌朝等洎從臣御飛白書人一幅

一云彥遠上所對策命宰相讀之因有是

賜 知河中府錢晦入辭上以錢氏自鏐已來世効臣

順問其家傳鐵券晦并三朝御書以進皆親識其未還

之因戒以陝西民因為朕愛撫飛白安民二字以賜

皇姪宗望獻所為文賜全監書又以金泥文羅御書好

學樂善字賜之第中建御書閣上為題其榜

年月未詳

書

博學二字賜翰林學士楊億

慶厯崇政殿觀御書 延和殿觀御書

六年八月丙寅御崇政殿召近臣觀御書八年九月己

亥御延和殿召輔臣觀御書

慶厯飛白開先殿榜

六年八月乙亥太平興國寺重修太祖神御開先殿成
上飛白書榜十月己酉奉安太祖御容庚戌酌獻

慶歷飛白端敏二字 文儒字

慶歷中仁宗以飛白端敏二字飛白筆一賜太子太傅

王舉正

蘇軾記之
又見後

八年三月書文儒二字賜學士張

方平

慶歷中

盛夏

飛白書圓扇為和平字賜趙師民

賜遠使劉六符飛白書八字曰南北兩朝永通和好

飛白書博學二字賜侍讀學士張錫 飛白直清二字

賜任布 飛白帝筆二字賜向傳範 飛白千歲字賜

太傅張士遜士遜進歌一章二年八月 飛白清忠二字賜

王德用 以塗金紋羅書曰李昭亮親賢勲舊以賜

晏殊得龜龍二字 紹興六年十一月二十五日王洙

孫楚老上慶厯皇祐御札手詔飛白賜銀帛百

皇祐飛白天性字

皇祐元年三月十五日飛白天性字賜端明殿學士李淑時帝以御書賜近臣淑方侍養遣使就第賜之三年

三月丁丑飛白書賜講讀官各一軸

皇祐以後重午必賜飛白書扇

楚建中得飛白帝字

皇祐篆明堂

二年九月二十一日

乙巳

上將祀明堂太常禮院言大慶

殿為明堂即明堂及門當為殿榜如黑繒金書為明堂

字殿門榜加朱繒黑字為明堂之門四字於禮為便上

謂輔臣曰二榜當親書是日上於禁中服靴袍篆明堂

二字飛白明堂之門四字自晝逮夜半而畢詔宣示羣

臣榜于門大享禮畢藏宗正寺又詔模刻二榜為副本

頒于二府及近侍被錫者皆謂不世之遇中外榮之

長編

九月庚子揭
御篆飛白

歸田錄明堂額御篆以金填字門牌亦

御飛白神翰雄偉勢若飛動余詩云寶墨飛雲動金文

耀日晶謂二牌也

歐陽修所作

元絳詩曰堯章繁雲漢羲

畫露乾坤日字光芒動奎鉤氣象溫 紹興元年九月

十一日進士黃朝美上仁宗御書明堂牌碑本詔藏於

祕府壬寅進呈上曰已別書六字

皇祐篆碑額

皇祐中王子融以唐明皇所題裴耀卿碑額上進仁宗
遂賜其兄曾碑曰旌賢又親篆冠準碑曰旌忠自王曾
至程琳賜碑額者二十二人 英宗二人賈昌朝宋
庠 神宗五人韓琦至曾公亮 哲宗二人富弼司
馬光 徽宗二人 欽宗一人 篆鳳延鸞珍圖祕
刻

皇祐賜飛白

五年九月甲戌皇姪宗懿上飛白大字十軸初宗懿進飛白書上賜更切進學飛白四字至是再上之

皇祐書銅鼎鸞刀

五年九月戊寅鑄鼎十有二天地圓丘用五宗廟用七又作鸞刀郊廟各一先是賈昌朝侍經筵帝問鼎卦聖人享以享上帝今郊何以無鼎遂命阮逸胡瑗鑄銅鼎制鸞刀帝親書鼎名曰牛鼎羊鼎豕鼎皆書而刻之鸞刀亦親書刀名而書之有司皆篆刻其下 劉敞獻律

鐘鼎鸞刀銘四章 世準進鼎頌

至和寶章閣兩朝御書 嘉祐迎陽門觀御書

至和初五臺山真容院脩殿藏太宗真宗御書二年二

月丙申賜名寶章閣嘉祐二年六月癸亥御迎陽門名

近臣觀御書五臺真容院寶章閣榜三年七月二十四

日壬辰御迎陽門名宰臣以下觀御書妙法正覺殿額

次赴天章閣觀御書

至和飛白書

至和二年二月辛丑召近臣觀飛白鳳翔上清宮勝于
迎陽門 嘉祐四年正月上賜近臣墨字以稽古二字
賜劉敞 聖帚之揮千奇萬巧 親作飛白侍臣縱觀
心合造化生成筆端書幅踰百大均寵放 仁宗遣使
賜賈昌朝三聖御書凡百八十七軸 陳師道仁宗御
書後序神文好飛白書時一為之以侈其好將相宗戚
家有藏焉會法而忘世會理而忘法所謂有其道而進
於技者王者之於藝蓋如此 仁宗賜文彥博御書元

豐六年十二月二十九日彥博言以卷軸甚大建閣奉
安 仁宗作飛白書荅契丹宗真 蔡襄知開封賜以
御書 賜允弼飛白二字 宗室從古善書仁宗屢以
御詩及飛白賜之 叔魚好學飛白好學字賜之 又
賜宗懿御飛白十一軸

嘉祐御書文宣王廟榜

見觀御書門 御篆文宣王廟門并殿牌張師中進奎
文光魯頌六年三月乙酉名輔臣觀之命內侍劉溫良

賚往兗州

嘉祐寶文閣飛白書 龍圖天章閣觀三聖御

書

嘉祐七年十二月丙申

王珪序
云戊申

幸龍圖天章閣召輔臣

侍從諫官御史管軍臣僚觀三聖御書又幸寶文閣親
為飛白書羣臣措笏以觀命學士王珪各題歲月及所
賜臣僚名又出御製觀書詩賜韓琦以下令屬和以進
遂宴羣玉殿復詔珪撰詩序刻石寶文閣序云十二月

戊申

紀云
丙申

乘暇日延羣臣觀三聖宸翰于龍圖天章閣

玩心文明藻思濬發遂賦觀書之詩又幸寶文閣親為

飛白書使左右縱觀驚鸞翥鳳與夫烟雲布濩之象莫

不回薄於筆下蓋天縱之能世莫得以曾闕也因分賜

從臣臣琦等二十八人賡宸唱以進云云壬子

紀云
庚子再召

觀方國頃所上瑞物其木石皆有文又陳先朝述作之

文復燕羣玉殿出禁中有醴芳花異香瑰竒未見之物

一云庚子再會天章閣觀瑞物
復燕羣臣賜禁中花金盞香藥

八年十二月乙亥英宗

詔以仁宗御書藏寶文閣命珪撰記立石治平三年九月丙辰幸天章寶文閣命兩府觀珪所書仁宗御詩石刻名珪面授端明學士 仁宗治蹟之懿與天地同

功原其本以德為元氣然後揭政令而日月之霈利澤而雨露之萃人材而淵嶽之至其心術之妙形於筆墨則又星斗爛而雲漢倬也今奎畫垂耀後世金石之刻惟飛白為多此非獨天縱之能蓋胷中之所經緯筆下之所卷舒見於治道皆一理

爾觀宸札之運也騁而安迅而紆婉而勁揚之者若翔
抑之者若墜放之欲周乎八極之表歛之靡失於一毫
之間則凡所以綱紀庶務幹旋至化實乎此焉見之

嘉祐手札

七年八月丙子上謂輔臣曰皇姪少養于宮中欲以為
皇子續又親書手札付外是日降手令中書密院翌日
進呈丁丑召學士王珪草詔頒天下戊寅珪對于崇政
殿上諭曰決自朕懷已知詔曰立愛之道自親者始其

以為皇子 皇祐中僧懷璉召對化成殿親書頌
詩賜之凡十有七篇璉建閣曰宸奎軾銘曰咨示
東南山君海王時節來朝以謹其藏 嘉祐中英
宗龍潛藩邸賜記室周秉手書蘇軾為頌曰雲漢
之章融為甘露結為慶雲融而不晞結而不散以
燾冒其子孫

治平孝嚴殿御篆

治平元年十二月九日己亥英宗召輔臣觀御篆孝嚴

殿額于迎陽門

殿在景靈宮西南

遂御延和殿賜茶二年四月

丙午奉安仁宗御容親酌獻

御篆賈昌朝碑曰大儒

元老之碑

治平賜韓琦手札

四年十一月丙戌

十二日

命韓琦判永興兼陝府西路經

畧安撫使賜手札趣令治裝并封示蔡挺李肅之所奏

事故事節度使辭賜窄衣束帶甲馬上以琦再世宰輔

位處三公特賜對衣笏頭帶鞍轡馬仍令常服引對熙

寧元年十二月手詔賜琦曰大名為天下喉襟欲除卿
乙丑琦判大名復降手詔聽便宜從事 沈括帥鄜延
承密詔至二百七十三道 胡宿有召赴天章寶文
閣賜御書飛白扇詩珍幽開二典聖藻煥重離白
鳳隨毫舉蒼龍應墨竒 御書四民安康字賜司
馬光

熙寧書英德殿

元年十月二十三日召輔臣觀御書英德殿牌于迎陽

門元豐五年九月二十七日御崇政殿召輔臣觀景靈宮御書十一殿榜

元祐書唐人詩

二年九月十五日講論語終篇賜宰臣執政經筵官宴于東宮上親書唐人詩分賜之 五年九月二十一日壬午御通英閣召講讀官講書讀寶訓賜御書詩一首上親書姓名於後 蘇軾得唐人紫薇花詩一篇至有驪珠三十四一日傳萬口之語

元祐神宗御筆

六年十月四日三省進神宗御筆七十五策 陳師道
詩睿思殿裏春夜半自書細字答邊臣萬里風烟入
長筭

政和書五禮序 大成殿

元年三月一日議禮局請以御書政和新修五禮序摹
勒立石於大常寺從之五年十月二十九日御書摛文
堂榜賜學士院以學士強淵明遷承旨上為增廣直廬

書榜寵之七年國子監辟廳御書大成殿榜 宣和四
年三月五日幸秘書省宣示御書千文十體書洛神賦
行草近詩

建炎書通鑑

書坐右屏

詳見後

書郭子儀傳

詳見賜書

建炎二年九月十七日戊戌上書資治通鑑第四冊賜
黃潛善已亥宰臣謝上曰近將語孟治道處手寫入於
絹屏又曰語孟誦習之熟真有可喜

聖政云孟子論治道處

二十

二日癸卯內出親書坐右素屏旅葵一篇大有大畜二卦與孟子之言七凡十扇遣中使宣示宰執四年八月戊寅上手寫郭子儀傳付范宗尹示諸將韓世忠等

三年七月癸未書忠勇字表韓世忠旂幟 紹興三年表岳飛旗曰精忠

紹興書趙充國傳 寫孝經詩書篇章

元年十月書趙充國傳賜呂頤浩以下宰臣乞以墨本賜中外 二年八月十六日癸卯上出所寫孝經詩書

篇章宣示宰執上曰朕瞻仰古聖王之治以為規戒
六年六月丁巳論營田上曰昨在會稽嘗寫趙充國傳
賜諸將

紹興書光武紀

二年十二月丁酉諫議大夫徐俯入對俯嘗勸帝熟讀
漢光武紀上書以賜之曰朕思讀之十過未若書一遍
之為愈先以一卷賜卿欲知朕不廢卿言耳

紹興賜吳玠親筆

四年四月庚辰朔制授玠定國節川陝宣副上賜以所御戰袍器甲且賜親筆曰朕恨阻遠不得拊卿之背也

紹興書無逸圖

見圖類

紹興書尚書 中庸篇

五年九月二十日庚寅賜趙鼎御書尚書一部翌日鼎奏

謝上曰尚書所載君臣相戒敕之言所以賜卿欲共由此道以成治功九月己丑賜新及第汪應辰以下御書

石刻中庸篇廷試畢賜御書自此始

一云十月四日賜之

十年

五月十六日御書中庸賜秦檜書義之樂毅論賜韓

肖胄

紹興賜親筆詔書

五年七月壬午賜觀文大學士李綱親筆詔書獎諭綱
應詔陳三策又上六條故有是賜

紹興書車攻詩 羊祜傳 真草孝經

五年十月三日壬寅書車攻詩賜宰臣趙鼎等翌日癸

知宣諭曰朕觀鴻雁車攻乃宣王中興之詩當與卿等夙夜勉勵修政事攘夷狄曷曰陛下游戲翰墨之間亦不忘恢復臣等敢不自勉謝表曰宵雅肄三帝書第一

漢武帝以出車之詠獎衛青

七年九月戊寅

二十三日

賜御書秦檜羊祜

傳沈與求車攻詩呂頤浩樂毅論向子諲孝經蘭亭記二十六日樞密使秦檜言乞以賜臣御書羊祜列傳付有司刊石以墨本頒宰執大將侍從從之 九年六月

辛丑書孝經賜秦檜十三日庚戌

一云辛酉

秦檜乞以上所

賜御書真草孝經刻之金石以翼扶世教上曰十八章
乃聖人精微之學從之 十三年頒御書孝經周官中
庸羊祜傳于天下州學 十四年七月辛未詔諸州以
御書孝經刊石

紹興書周易否泰卦

詳見
易類

書裴度傳

五年十月庚戌右相張浚入見上親書周易否泰卦賜
之六年二月浚視師御書裴度傳賜之

紹興書裴度傳

六年賜右相張浚 是歲又書蘇林二字賜兩浙漕向
子諲

紹興書大成殿榜

六年十一月壬辰上書大成殿榜賜成都府學用教授
范仲爰請也學殿建于東漢之初平漢人以大隸記修
築歲月刻于東楹至今九百四十三年天下棟宇之古
無過于此 高宗皇帝雲章奎畫昭回于天爰
自飛龍之初頗喜黃庭堅體格後又采米芾已

而皆置不用顯意義獻父子手追心慕曾不數年直
與之齊驅並轡 紹興五年八月癸亥策士御書策
問

紹興書蘭亭叙

七年十二月十一日諭輔臣曰劉光世喜書前日來
乞朕所臨蘭亭叙亦以一本賜之因論書法甚詳遂
及法帖曰其間甚有可議如古帝王帖中有漢章帝
千文千文是梁周興嗣所作何緣章帝書之舉此一

事其它可知豈不悞後學者 高帝大書忠正德
文賜趙鼎 紹興中臨王羲之所書樂毅論賜樞
臣韓肖胄 周必大貳大政入謝德壽殿御賜書
千文

紹興天章寺書

九年二月十二日詔紹興府天章寺寺即蘭亭也祖宗御書

令守臣取進先是建炎四年巡幸江浙御書凡五百五
十卷軸悉留于越至是詔取焉

紹興秘閣右文殿書

見閣類

紹興御書玉冊

十年御書太后玉冊上曰學書必以鍾王為法然後出入變化自成一家十二月十二日行冊禮

紹興書左氏史記 御書石經

十三年二月內出御書左氏春秋及史記列傳於祕書省宣示館職觀畢皆作詩以進是年六月內出御書周

易九月四日御書尚書終篇刊石頒諸州學十一月丁

卯宣示從臣

聖政十三年十一月丙辰宰臣奏昨日付出御書尚書字法高古

十四年

正月出御書尚書十月出御書毛詩十六年五月又出

御書春秋左傳皆祕省宣示館職觀畢進詩上又書論

語孟子皆刊石立于太學首善閣及大成殿後三禮堂

之廊廡

紹興書宣聖殿榜

冊五

親札詔書

唐文皇帖

十三年七月賜御書宣聖殿及門榜並曰大成

六年賜成都學

御書大
成殿額

御書閣曰首善癸未奉安文宣王二十六年閏

十月二十七日書玉牒殿并殿門及祖宗屬籍堂榜

二十九年七月二十四日乙巳右僕射湯思退等言恭

覩六月十四日丁酉戒諭崇清白止賂遺詔書親札雲

章奎畫超古冠今上曰朕頗留意翰墨至今不倦在唐

惟太宗好二王書士大夫翕然相尚如歐虞褚薛皆有

可觀朕有舊藏文皇數帖其間有好謙自牧上畏天下

畏羣臣等語不惟字畫可喜其用心可為後世矜式思

退請以御書刊石政事堂以墨本頒中外臣僚使出入

觀省詔可

繫年錄云乞以上親書戒駟
情禁賂遺二詔立石尚書省

紹興書乾卦 御書玉堂

十四年六月十四日上書乾卦賜龍圖學士秦梓 三

十年五月辛巳上以玉堂二字親灑宸翰賜翰苑周麟

之請依淳化故事就都堂宣示宰執刻石分賜館閣官

詔可俟中祕暴書俾侍從館閣官咸得觀仰仍以石本

分賜

紹興宸翰扇

元年四月九日上親書扇賜講讀官王絢胡直孺汪藻
胡交修等皆寫杜詩十四年七月二十七日以宸翰扇
賜祕書少監游操 孫覲為直孺作御書扇銘曰扇出
尚方寶墨未乾天縱墨妙宛若龍鸞璧月煌煌光燭部
室子孫視之稽古之力

紹興書儒行 大學 臯陶謨 學記 經解

等篇

賜進士

五年^{乙卯}九月賜汪應辰以下御書石刻中庸篇廷試畢

賜御書自此始^{又見前}十二年^{壬戌}賜陳誠之周官十八年

六月三日御書儒行篇賜進士王佐等二十一年^{辛未}

五月賜趙達等大學二十四年^{甲戌}賜張孝祥等舉

陶謨十七年^{丁丑}賜王十朋等學記三十年^{庚辰}四

月賜梁克家等經解篇皆就聞喜宴日賜之舉故事也

紹興淳熙御書明堂

見後 紹興十二年十二月庚辰上曰朕一無所
好惟閱書作字自然無勅尚書史記孟子俱寫畢
尚書寫兩過左傳亦節一本 高宗斷鼇立極息
馬論道緝熙光明之學追媿三五倬彼雲漢敷賁
石經龍畫螺書旁分徧刻大關造化細及庶務垂
則于億萬世

隆興御書詩

隆興元年十月十四日詔金山寺御製御書詩刊石進

碑本從浙漕朱夏卿請也 九年四月二十八日書荔枝賦賜閣門舍人張延年

隆興書聖主得賢臣頌

元年十二月二十二日拜張浚左僕射都督如故禮貌甚隆書此以賜 孝宗初政御書王褒聖主得賢臣頌李德裕英傑論賜史浩

乾道書閣榜

乾道元年二月三日書風雲慶會之閣賜楊存中淳熙

十一年四月九日書明良慶會之閣賜史浩

建閣奉兩朝所賜御

書

理宗御書輔德明謨之閣賜鄭清之懋德大勲之

閣賜賈似道

乾道跋太上御書

元年十二月劉堯仁進父光世紹興間太上皇帝臨寫

王羲之蘭亭脩禊序

紹興七年十二月賜光世

御製跋三年三月十

四日御跋太上皇帝御書聖主得賢臣頌賜宰臣虞允

文 淳熙八年八月八日御筆賜王希呂等宜盡忠極

言

乾道選德殿親札

七年十二月辛酉詔僕射之名不正欲採周漢舊制改

左右丞相明年

八年

二月乙巳降詔庚戌

日

宣詞臣周必

大入選德殿上袖出親札云比來一二大臣同心輔政

夙夜匪懈漸革苟且之風以副綜覈之意虞允文可特

進左丞相梁克家可正奉大夫右丞相御前設小案用

牙尺壓紙一幅傍有漆匣歛研寘筆墨於玉格必大書

除目進呈自複道秉燭鎖院 七年二月七日壬子御
選德殿以立皇太子御札宣示大臣允文等奏元良天
下大本陛下獨出睿斷為天下得人各再拜賀癸丑宣
詔出麻制丁酉受冊 淳熙十四年十一月己亥手詔
皇太子可令參決庶務十五年陳康伯家以紹興傳位
親札來上十二月壬申遣中使密持賜宰臣必大

乾道書政論

六年八月二十八日

孝宗臨御
之九年

御書漢議郎崔寔政論

賜宰臣虞允文等允文書于下方曰寔所謂師五帝式
三王棄苟全之政蹈稽古之蹤此聖學之所緝熙特稷
契之佐伊呂之輔未如卒章所云臣所甚懼也惟陛下
選建其人極于三五之隆

乾道御書詩 草書

七年正月八日癸未御書郭熙秋山平遠詩賜宰臣虞
允文等十一日丙戌賜左相允文養生論右相梁克家
長笛賦皆太上真書又賜克家御草書古柏行一軸二

月御書孫綽天台賦賜夏執中 虞允文曰見石墀上
皆陛下草聖筆力天縱有風動之狀

乾道跋太上真行草書 淳熙宣示宸翰

乾道七年

辛卯

春以太上皇帝真行草書十卷示宰臣

玉

高唐賦傅毅舞賦陸機文賦嵇康琴賦曹植洛神賦王
繁登樓賦史節故事段陳羽古意詩蘇軾養生論周興

嗣千
字文

三月二日御跋曰竊惟書法自東漢訖晉唐代有

名家然莫不祖述鍾張憲章羲獻而各得一偏未有超
軼拔乎其萃者光堯皇帝高蹈羲皇之上游戲翰墨之

間初若無意而筆力所到自得之妙集乎大成如春雲
行空千狀萬態固知天縱之能心與神會非衆庶曲學
之所可及也淳熙二年三月四日葉衡奏謝宣示太上
宸翰十軸令臣閱畢可飲卮酒以慶榮遇仍宣示執政
侍從臺諫以其書付祕省臣欲置酒都省與執政而下
侈非常之賜參政臣茂良等奏此藏在御府羣臣無繇
見者上曰太上於翰墨間蓋是天縱非學力所到鍾王
輩不足道翌日拜謝乞勒石率與觀臣僚奉表稱謝從

之上曰當以表轉于德壽宮 十一年四月二十四日
以光堯宸翰洛神賦雪賦驄馬行千文臨獻之帖五軸
賜史浩 紹興十二年十一月十五日貴妃吳氏題
御書云機政之暇擇鍾王而下三十帖親御毫素
並加臨寫龍螭鳳翥變態萬象希世之偉蹟也
高宗翰墨志曰自魏晉以來至六朝筆法無不臨
摹

乾道書益稷篇

淳熙書旅獒

賜進士

八月

壬辰

四月己未

二十
六日

賜進士黃定等御書益稷篇先

是二十日宣示輔臣梁克家奏益稷首載治水播食事

未載君臣更相訓敕之意學者因宸翰味經旨必知古

人用心矣上曰如無若丹朱傲等語見古者君臣警戒

之深又曰聖人待天下之人先之以教及不格則以刑

威之

淳熙五年

戊戌

四月二十四日御書旅獒篇賜進

士姚頴等

乾道欽宗御書

三朝御書

七年九月二十一日吳敏孫楠進一百軸十月二十二日劉愈進二軸八年七月十二日毛奎孫勸進十軸毛勒進一百軸九年二月二日陳過庭孫述進十四軸張伯成進詔旨一軸程邵進御筆八十八軸及東宮書詩賦各一軸並欽宗伯成又進三朝御書十三軸深曾孫大觀四年六月乙亥張商英為右僕射久旱是夕大雨尋亦不見上親書商霖一尺字賜之

乾道書魏徵語

七年

辛卯

八月六日戊申上召吏部侍郎王之奇詹事陳

良翰禮部侍郎周必大同對選德殿賜坐從容訪以治道久之袖出御筆一通首以魏徵答唐太宗德仁功利之問而繼書其後曰朕即位十年功則未能有成至於安養黎元俾遂生業正今日急務卿各極陳其當否若夫仁德帝王之高致朕亦不敢自居方以魏徵之言為龜鑑耳之奇等退詣政事堂以所被御筆示宰執丙辰後殿奏事上以問大臣右相虞允文奏四者當兼修並

用然德仁之責在己功利之責在人不可不察於是良翰等皆奏疏庚申上復以三從官奏牘示輔臣允文復奏今日之務莫急於論相云云

淳熙書七德舞

又見殿類

御書扇

元年五月一日書唐元稹牡丹詩扇賜吳琚六月一日書劉禹錫詩賜張子仁五年五月十五日書楊傑二軒記賜子仁十一月二十五日書白居易七德舞賜翰林學士周必大六年五月十五日御書梅詩賜步帥岳建

壽御書扇賜殿帥郭棣

淳熙太上皇帝御書

三年九月十五日太上書白居易大巧若拙賦賜夏執
中五年三月七日太上書陸機文賦及團扇等賜工部
侍郎趙磻老四月一日又賜王元之待漏院記并御書
扇

淳熙書杜牧戰論 賜皇太子詩

三年十一月一日御書杜牧戰論賜皇太子又御書詩

賜皇太子嗣濮王士輅永陽郡王居廣各一軸 六年
五月一日書蘇轍北狄論并御書扇賜工部侍郎吳淵
御書二十八將傳論賜蕭燧

淳熙製秋雨詩

四年八月四日東宮講畢袖出御製新秋雨過書懷詩

一篇六日又蒙送示和章詞翰雙絕

周必大集

淳熙書舊學

五年四月書舊學二字賜史浩十四年再賜史浩以舊

學字

淳熙摹祕閣累朝御書

八年二月

一云三月

二十四日詔祕書省摹祕閣所藏累朝

御書刻石從少監趙汝愚之請也凡御書法帖十卷五

十六段十一年七月少監沈揆等進呈并以飛白祕閣

字及贊序刻石十二年三月以名賢墨蹟摹刻十三年

七月畢十三年四月二日朱震之孫繼先進所賜兩

朝宸翰十月二日學士洪邁進欽宗宸翰石刻付史館

十四年八月趙子崧之孫進太上賜書 十五年五月王似之子進太上獎諭宸翰石刻一冊十月陳康伯之孫進高宗所賜詔書 十六年正月書歐陽修琅琊山詩三首賜吳琚

淳熙書蘇軾蘇轍詩

七年十二月十五日書蘇軾蟠龍寺詩賜步帥岳建壽十七日書軾和雪詩賜殿帥郭棣八年閏月既望以御書蘇軾四詩賜范成大十五年十二月又賜損齋所書

蘇轍詩二軸是月卒知書石湖二字賜成大成大跋云
天縱聖能游藝超絕典則高古如伏羲畫體勢奇逸如
神禹碑又跋云跳龍卧虎之勢漏屋畫沙之迹皆神動
天隨沕穆無間譬猶叶氣網緼蒸為雲漢輝光所麗自
成文章非復世間筆墨畦逕所能擬議又書野處二
字賜洪邁
十年三月二十六日書三都賦序賜工部尚書知臨安
王佐

溥熙書詩賦 製春晝詩

十二年九月癸巳洪邁直禁林賜宸翰唐白居易詩二
首十三年三月乙未復召對賜之酒殽出御製春晝即
事絕句并以所書蘇軾一詩為寵越九日甲辰邁進詩
四月辛亥天筆俯和十四年四月乙亥邁召對清華於

御榻之右取宸翰宋鮑照舞鶴賦一軸賜之

邁又謂雲漢昭回之

妙得之自然神摹心造自古帝王名能書者所不能窺測萬分一一字之出人間秘以為寶一章之傳天下誦以為訓
孝宗筆法之妙明堂嚴宗祀之恭經閣崇奎章之奉賜書林進士之訓詩篇侈臣工之榮鈎珥昭回
超冠
八法
十四年會慶節書心經於禁中觀堂

淳熙御筆掌記

上勤勞萬機每臨朝以方寸紙作掌記微偃兩旁而中摺之寘在御手若內殿則留香案上三省密院各奏事畢即視所記一一宣諭已乃收之率以為常淳熙十一年八月七日後殿坐親以此紙授樞臣周必大蓋陳有功顯大舉趙善誦三人姓名玉音云此是去年臣僚薦可奉使接送伴副使者卿選擇誰可

慶元光宗御筆

二年五月十一日詔詳定官許及之編次太上領尹日
御筆為七十一冊總目一冊御筆六十五軸兵籍一冊
十一月十一日與寬恤詔令同進

嘉定祕閣御製御札目錄

祕閣藏御製御札六百七軸三十五冊五道續藏六百
五十二軸十一冊掛屏扇面九十有九嘉定三年編次
為目錄藏之後張守孫拭上高宗御札二幅十月附于
目錄後 嘉泰元年御書書之說命易之泰詩之天保

以賜輔臣

慶元進太上皇帝領尹判押案牘

又見上

二年十一月十五日上詣壽康宮恭進聖安壽仁太上皇帝領尹御筆判押案牘共七十一卷 禮存謙下晉

嘗紀於批牋事美英明漢亦崇於辨牘龍筋絢藻鳳尾
攜華倬雲漢之為章比春秋之決事 景祐三年二月

甲子命崇政殿說書賈昌朝王宗道同編次太宗尹京
日押字時范仲淹權知開封府上太宗所判案牘故命

編次四年十一月成書凡七百一十卷

端平御書張九齡進金鏡事

二年正月丙辰賜學士真德秀先是德秀論致壽之道
五無逸親賢以孝奉先仁有德則壽

淳祐御書大學三銘

元年讀仁皇訓典終篇親御奎章以禮記大學張載西
銘呂大臨克己銘程顥顏樂亭銘分賜輔臣 西銘明
理一而分殊推親親之厚以大無我之公因事親之誠

以明事天之道推人以知天即近以明遠

晏殊飛白書賦

昔在軒后旁羅俊英乃有蒼頡思周神明下侔羽族之
迹上法奎園之精始造古文播於寰瀛爰及東漢紀年
熹平其臣蔡邕譽聞帝庭鵬鴻都之歲役掃堊帚而字
成寓物增華窮幽洞靈肇此一體用飛白而為名飾宮
闕之題署助聖賢之藝能厥後累朝之臣習此奇蹟代
有名系存乎簡籍然猶獻之白而不飛子雲飛而不白

伊唐二葉迨及高宗咸所留意亦云盡工分賜宰弼渙
揚古風若乃宮硯沉碧山鑪泛清恣冲襟之悅穆拂神
翰以縱橫空濛蟬翼之狀宛轉蚪駢之形爛皎月而霞
薄颺珍林而霧輕曳彩綃兮泉客之府列織縞兮夏王
之庭仙風助其縹緲辰象供其粹凝信一人之妙用非
末學之能稱而況取象八分資妍小篆玉潔冰潤龍驤
虎變合心手以冥運體乾坤之壯觀

又真宗御飛白記
曰銀鈎婉潤蟬翼

輕濃山如礪而不
泯字生金而增實

又御飛白書扇賦驚思三雲灑廻

春之藻翰成變楷之奇文婉繞無方輕濃有制該筆苑
之道潤集書林之妍媚標王字於日中湛金波於月際
六藝之逸品在昔貞觀之隆文皇念功時則有無忌師
道沐鸞蚪之班詔咸亨以還高宗禮賢時則有至德處
俊荷戢翼之垂訓亦有攀車受貺登牀被恩一言蒙魯
袞之厚八體著義圖之則五明在手于以見虞帝達聰
之勤四座生風于以彰武王救暘之德 御飛白書記
日新盛德天縱多藝師心獨運冠世研精萬象奔馳於

筆端三辰奮湧於毫末翩然而鸞皇飛翥蜿然而虬龍
蟠躍聖域之雄觀書林之具美一字可以逾華袞
羣臣莫能望清光搞染所及洪纖畢該宇宙入其
胸懷風雲出乎掌握造化協其隱顯陰陽順其卷
舒發虛無之蘊而森為衆形收雷霆之動而歸於
精象非元聖之獨智孰能預於此乎 歐陽修御
飛白記雲章爛然輝映日月為之正冠肅容再拜
而後敢仰視蓋仁宗之御飛白也仁宗之德澤涵

濡於萬物者四十餘年雖田夫野老之無知猶能悲歌於隴畝之間而況儒臣學士得望清光蒙恩寵登金門而上玉堂者乎夫玉韞石而珠藏淵其光氣常見於外也故山輝如白虹水變而五色者至寶之所在也今賜書之藏於室吾知將有望氣者言榮光起而屬天者必賜書之所在也 蘇軾飛白御書記抱烏號之弓不若藏此筆寶曲阜之履不若傳此書考追蠡以論音聲不若推點畫而究觀所用之意存昌歎以追嗜好不

若因褒貶而想其所與之人或藏於名山或流於四方凡見此者皆當聳然而作如望旄頭之塵聽屬車之音相與勉為忠厚而恥為浮薄或由此也夫

倬彼昊天日月星辰麗焉堯之文也域彼四海江河淮漢別焉禹之畫也叙聖文神翰而不以經天緯地言之何足以形容其大哉倬彼雲漢為章于天言天子為法於天下也追琢其章金玉其相言萬民觀而樂之也

經乾緯坤者典學之全功出聖入神者游藝之餘事
神動天隨超絕衆妙 日行于天委照萬物之上光

氣所及或流為慶雲結為丹砂初豈有意哉 天縱之

能溢于筆墨 月璧星珠 瑤札飛文 玉蟾膚寸墨

花泮渙 秋毫精勁霜素凝鮮奎躔婉其鈞曲珠斗煥

乎闌干 河洛開奧 神墨靈式 大玄經戴神墨履靈式 揮毫

舉鳳拂素騰龍 寶題雲蔚翠軸蚪螭 袖有驪珠

東壁華星滎河綠字 農禾八穗漢札十行 玉府神

毫珠躔瑞采 天文景鑠璧合珠連聖札雲迴鸞驚鳳

集 鳳藻鸞蹤 帝澤溫潤雨露下國 銀鈎錦帕

太一下觀百靈潛衛 龍騰鳳掣出入造化躡絲轆義

前無千古 天葩睿藻三二曜六五緯 粃糠倉史奴

僕鍾王 金壺霏潤瑤管春容 鞦韆三光陶鎔帝皇

非烟祥風緣飾萬物 取諸造物之鑪鍾盡用文章

之斧斤 昭章雲漢輝麗日月并包書林聖風雲靡英

華沉浮洋溢八區 墨妙筆精鸞飄鳳泊元氣淋漓不

擇地而施 英雲明露膏 耀管茅堯釀舜薰 夏切韶漢
參乾兩離 瓊章寶字 婉墳襲經 日星昭回 被物成
飾 銜帝鴻之墨海 挾漢宮之寶跗 穗書綠字 入神
出天 金壺琳鈕 娛游翰墨 璇跗犀植 奎鈎奮芒
河龍獻勢 斟酌元化 秋臺膚寸 得心應手 渾然天
成 八文六義 陰藏陽覩 龍跼龜負 與奎壁日月 激衝
光明 湯盤禹鼎之字 方之陋矣 天摹神畫 不落彫斲
鸞鳳騫翔 而變態烟雲 舒卷以呈姿 秦峯之篆 頡

篇之楷倒薤之妙拂素之工 研精書林垂思藝圃

奮辭摘藻星漢昭回題毫拂素龍鸞點絢 璧月珠星

扁榜裁莪 天縱聖能輔以學力既以系隆五三六經

之傳清明在躬精義入神道腴德輝形於心畫混融天

設八法自具妙用所潛勢逾萬鈞日光雲章垂耀縑素

吉雲玉露下燭丘壑 游藝致精遂轅書聖原於道

德故氣象深厚發於英華故筆勢超絕 舞鳳翔鸞怒

猊渴驥天球弘璧不足以喻其實大呂黃鍾不足以喻

其雅 綜以造化之機軸劉以陰陽之斧斤濯以江漢
之濤瀾 聰明淵懿藝與道兼肆筆成書八法該備

大明委照卿靄騰輝 侈億萬年琬琰之傳 日珥爛

乎家楹星鈎洒於臺端 龍文龜畫刊在翠琰 光氣

昭倬發部燭幽 包羅五經之郭游神六藝之圃一言

之出四方式以為典一字之傳萬世寶以為訓 雲漢

動而日星垂也 榮光溢河寶氣騰池 五雲擁笥鳳

翥龍騰 前世所謂畫起平雲點蹲芒玉者不足以進

於此 金壺貯墨 鮫人織冰宮 工裁雪彌綸 寶笈泛

洒神毫 紛如薄霧翳靈芝 淡若輕雲拂初日

飛白扇

鈿

軸寶函 龜趺螭首 執協龍鸞光 回星斗 琬琰騰華奎

壁奮芒 蔭之華 椽被之豐珉 翔筆伸楮 天垂日

皎 勒諸豐珉 有星而景 有雲而卿 其光下垂 遇物流

形 鸞鶴飛動 星辰光華 字裏金生 行間玉潤 勒

諸琬琰 貽諸載億 與日月雲漢同垂 無極 心畫發舒

帝中第一夫 何足言 義圖頡迹 如龍行天 或遊

或飛

草書

金鈞見象綠字成圖

璧合珠連鸞驚鳳集

奇蹤絕俗美態入神

編之玉軸勒以銀繩

錦帙

金牋霞明日照

口雖未言聲疾雷震令雖未出化馳

如神心有所懷威動千里

壺墨彩毫芸香却蠹芝

髓為封珍寶之精下燭西崑之岫文章之氣上躔東壁

之象可謂天下之妙迹域中之奇觀

羲畫垂文奎鈞

賁采

聖藻裁篇首登歌於寶鼎宸臺結字復瀆墨於

金壺

垂光日月動色雲烟

模於琰刻奮以瑤稜

上昭三光下飾萬物 鳳翥龍盤經緯河洛星鈎日
珥闡握乾坤 天光焜煌慶雲葩郁如在上帝羣玉之
府如游太微三光之庭 昭回之光照映天地婉結之
妙經麗辰星



玉海卷三十四